

D O M B E S

P R I N C I P A T V S,

vulgo

La Souveraineté de Dombes.



Ynastia hæc intra Bressanensis agri fines continetur, eamque ab oriente Dainius & Resouza, à meridie Rhodanus, ab occidente Saona circumfluunt. Supra Thoyssæum initium suum capit ad ripam

Saonæ, hinc versus S. Trivierium, per pagos S. Cyre, la Chapelle, Saint George, le Bouchoux abit, inde reducto gressu radit Burgum Bressiæ metropolim, à qua in meridiem recta fere tendit, usque dum includat pagum Cram, à quo ad Montelierium extensa iterum reflexa miris modis ad Saonam tendit. Longitudo ejus maxima est novem milliarius, latitudo par fere juxta Saonæ ripam, Thoyssæum inter & pagum Geney. Irrigant eam præter Saonam, Renon, Trance, Veyla, Challarine. Metropolim habet Trivultium, vulgo Trevoûlz, sitam ad Araris five Saonæ ripam, Lugduno tribus milliariis distantem. Reliqua sunt Thoissey, S. Trivier, Villanova, Challamont, oppidula, pagi & vici plurimi, quos tabula exhibet. Nec tamen tam suis, quam vicinis urbibus celebris est. Ad septentrionem quippe se exhibet in ipso Arari Matiscona, hodie Mafcon, Matisco itinerariæ tabulæ, Matisconenſe castrum Notitiæ provinciarum Galliæ, & Antonino, qui legionem ibi ponit x. Machaonem villam putant dici Paulo Diacono in Longobardicis. Matiffana est Gregorio Turonensi & aliis: Caballino, si situm loci, cultumque & artes respicias, simillima. Porrecta jacet ad Ararim, qui ponte insigni stratus, recto longoque ad orientem tractu, reliquis lateribus in arcus speciem se formantibus. Inter sacras ædes, quarum cathedralis S. Vincentio est consecrata, pulcherrimum fuit Dominicanorum cœnobium, quo loco ante Comitum erat palatium, à S. Ludovico extructum, vastatum cum reliquis omnibus publicis ædificiis, annis CIOIO LXII, & CIOIO LXVII, ab iis, qui reformatam se religionem profiteri ajebant. Hic volunt primum celebratam à Christianis diem Dominicam, ut videre est ex Guntchranni Aurelianensium Regis edicto, quod in Synodo ibi celebrata promulgatum. Comitatus titulo claruit, quem Francorum Rex Ludovicus IX emit ab Ioanne ejus Gallia.

que conjuge, Comitibus Matisconenſibus. Tragediam de Guilielmo, Matisconenſi Comite, quem, quod Cluniacenses monachos indignis modis tractasset, ex convivio ab ignoto raptum fama loquitur, aliunde petat lector, fidemque ei habeat, quam volet. Ad latus meridionale juxta Trivultium conspicitur Lugdunum, amplissima, ornatissima, florentissima urbs, ad Araris & Rhodani confluentes. Colonia in eam Augusti principatu ducta, in cujus quoque honorem & templum erectum & ara. Priscam ejus magnitudinem testantur passim templorum, arcuum triumphalium, aquæductuum, & alia antiquitatis monumenta. Ab ea urbe nobilissima Galliæ pars in quinque distincta quondam est; Lugdunenses I, II, III, IV, V, uti in Notitia provinciarum Galliæ videre est. Igne fatali miserandum in modum suo tempore exustam conqueritur Seneca, clademque inde acceptam deplo- rat epistola ad Lucilium XCII. Solatium isti calamitati adhibitum à Nerone, septimo post incendium anno. Quum ejus moenibus se continisset Albini exercitus, ab Imperatore Severo obſessa, brevi post capta, direpta, iterumque incensa fuit. Lugdunum Philippus Pulcher Francorum Rex Pontificis jussu ditioni suæ ad- jecit, scribente in annalibus Papirio Massonio. Loco sita est urbs amœno & commodo, natura fere inexpugnabilis, ab una parte duobus munita collibus, iisque fructiferis: ab altera totidem beata fluviis, Arari, Rhodanoque: templorum, ædificiorumque cum publicorum tum privatorum magnificentia superbiens, opibus & mercatura supra modum florens, ut celeberrimum facile sit hodie totius Galliæ emporium, regnique cor, & clavis instar, qua aditus recluduntur in Italiam, Germaniam, aliasque provincias, confluentibus eo ad publicas nundinas solenniter, & ex condito quasi, quater singulis annis variarum gentium mercatoribus. Regnante Carolo IX, cum tota arderet bellis civilibus Gallia, arcem accepit. Sedes est Archiepiscopalis, cujus præfules recenset Belleforestus CII, quique primates se gerunt cleri Gallicani. Est & hic Seneschallatus antiquus, cui subsunt territoria Lugdunensæ, Forensæ, Matisconen- se, & Bellojolesium. Ecclesiam Lugdunensem celebravit Bernardus Abbas Claravallensis hoc elogio: *Inter Ecclesias Galliæ constat profecto Lugdu- nensem anteire, sicut dignitate sedis, sic honestis studiis*

Ecc

& lau-

Termini.

Longitudo.

Latitudo.

Fluvii.

Metropo-
lis.

Oppidula
alia.
Vicine ur-
bes.